



SVMMI PONTIFICIS FILIVS NATV MAXIMVS AVCTORITATE
PVBLICA, E SVCCSSIONIS LEGE, AB IP SO PARENTE,
SENIO LABORIBVSQVE CONFECTO, VNCTIONIS RITV
AD SVMMAM PONTIFICIS M. DIGNITATEM
EVECTVS EST.

DIFFICILLIMA est quaestio, nec ullo, in tanta Hebraeorum incuria
ac negligentia, quam in describendo hoc ritu manifeste prodi dolemus,
difficillimo licet negotio diiudicanda, quisnam inter Hebraeorum sacerdotes
unctionis ritum in Pontifice M. recens constituendo peregerit. De aucto-
ritate, qua unctus fuit, nullum est dubium. Grauibus quidem ex historia
sacra et Iudaica confirmatur rationibus, Pontificem M. auctoritate divina,
ac publica senatus populique Hebraei, olei sacri unctione exornatum fuisse.
Habetur enim non solum praeceptum diuinum de conficiendo oleo unctio-
nis sacro *Exod. XXX, 23. 24. 25.* sed etiam de usu illius sanctissimo, qui
unctione uasorum sacrorum, quae nunquam repetita, et Pontificis M. quae
semper, filio in locum patris succedente, peracta est, absoluebatur, idque
e loco *Exod. XXIX, 7.* intelligitur. Auctoritate publica senatus populique
Hebraici ungi debuisse Pontificem M. inde constat, quod non solum P. M.
Synedrii M. potestati subiectus, sed etiam populi ac synedrii legatus habitus
fuerit. Testimonium huic rei perhibent inuictissimum uerba doctissimorum
Hebraeorum in Codice IOMA: ^{a)} מסרו את כהן גדול זקני בית
דין לזקני כהונה בית אבטינס לעלויות והעלוהו והשביעוהו
ונפטרו והלכו להם ואמרו לו אישי כהן גדול אנו שלוחי
בית דין ואתה שלוחינו ושליח בית דין משביעין אנו
עליך כמי ששיכז את שמו בבית הזה שלא תשנה דבר
מכל מה שאמרנו לך הוא פורש ובוכה והן פורשים ובוכים.
Seniores synedrii M. tradebant eum senioribus sacerdotii (ut eum docerent
modum

^{a)} Cap. I. §. 5.